

اسم الله التواب | #أسماء_الله_الحسنى | د. حازم شومان

حازم شومان

الاسم بتاع النهاردة يا جماعة بيخليك تحب ربنا قوي وتعرف منة ربنا عليك قوي الاسم بتاع النهاردة ده الاسم بتاع النهاردة بيرد على الملحين وعلى الشباب بعض الشباب اللي بيقول لك انت خلقتني ليه يا رب؟ انت خلقتنا ليه يا رب - [00:00:00](#)

الاسم بتاع النهاردة اسم الله التواب. اسم الله التواب. اسم الله التواب ده. اللي يفهمه وقلبه لهف من كتر الدعاء ليل نهار يا تواب تب علي. يا اخوانا التواب غير الغفور. المرأة البغي الزانية ساعة كلب ربنا غفر لها من - [00:00:20](#)
من غير ما تقول اغفر لي. من غير ما تدعي من غير ما تاخذ بالها اصلا. ده دي مغفرة الذنوب. ده ده غفور. انما التواب ده موضوع كبير جدا. النهاردة عايزين - [00:00:40](#)

نعرف يعني ايه ربنا يتوب على انسان. لو فهمنا يعني ايه اسم الله التواب. هنفهم. هنفهم يا اخوانا ان التواب لغة يعني الرجاء التوبة يعني الرجوع في اللغة. التوبة ما لهاش دعوة لغة اصلا بكلمة زنب. التوبة في اللغة يعني الرجوع يبقى يعني ايه التواب؟ اللي لما ترجع له - [00:00:50](#)

اللي لما ترجع له بالطاعة يرجع لك كل سلسلة مفاتيح الفتوحات بتاعة حياتك. اللي وان عدتم عدنا هتعود وهرجع وهرطيع وهرتبقي بتاع ربنا. ربنا هيعود عليك بكل خير وبكل فتحة. عشان كده اسم جبار - [00:01:10](#)
اسمي يعرفك ان كل حاجة اتكسرت ممكن ربنا يصلحها لك تاني. اسم يحبك في ربنا سبحانه وتعالى. لان التواب اللي لازم الاول يفتح قلبك للتوبة عشان انت تحبها. يعني التوبة دي صناعة ربانية اصلا مش منك انت. يعني انت لما دخلت المسجد ربنا اللي تاب عليك الاول - [00:01:30](#)

عشان انت تحب ان انت تتوب واحد من التجار الكل مشغولين في الاغنياء في القاهرة بيقول آآ كان دايم لما يبقى معه فلوس كتير يسافر لبنان ويشرب خمر ويعمل بقى كل الموبقات. فلما جه يتوب فقال خلاص انا ما عدتش هروح هناك ابدأ. ولا اقع في زنا ولا خمر. فيقول ضعف - [00:01:50](#)

كده مرة قال اما ارواح اتفسح وخلاص راح يتفسح بيقول انا ما درتش بنفسي. ايه اللي حصل؟ لقيت نفسي في اوضة مغلقة مع واحدة وازالة الخمر في ايدي تقول انا ما فقتش غير في المشهد ده. وهو لسة ما وقعش في الزنا. بيقول ساعتها قعدت اكلم ربنا في نفسي محرج ان هو قدامها يقول حاجة. قعدت اقول يا رب رجعي - [00:02:10](#)
يا رب يا رب انجديني من الموقف اللي انا فيه ده يا رب. يا رب انت ممكن تنجديني من اللي انا فيه ده ازاى! هو مش عارف يفلت ازاى خلاص هو يعني شبه اتورط بيقول - [00:02:30](#)

جاي يمد ايده عليها ببص لها بيقول لقيت بنتي قدامي. لقيت بنتي قدامي. حركات بنتي شكل بنتي وش بنتي. بيقول انا فجأة قلبي اتقف منها قفلة. بيقول انا كل الازمة اللي انا كنت فيها اتقلبت ضحك. سبتها وسبت الاوضة وانا قاعد اضحك. قاعد يضحك ان - [00:02:40](#)

كان ممكن ربنا يرتب حاجة من برة يحصل حاجة فجأة والموقف يموت. انما ده ربنا جابها له من جوة. هو ده التواب. اللي افتح قلبك الاول للتوبة عشان انت تقدر ترجع له. اسم بيرد على الملحين. واللي بيقول لك انت خلقتني ليه يا رب؟ حديس النبي عليه الصلاة - [00:03:00](#)

سلام لا الله افرح بتوبة احداكم. شف الحديس الرهيب ده. الحديس ده يغير لك حياتك. ويعرفك ربنا خلقك ليه الله افرح بتوبة

احدكم. شوفوا ربنا بيفرح فرحة شديدة ازاي؟ من احدكم. شف بقى المسل واحد معه دبة عليها الاكل والشرب بتاعه - [00:03:20](#)
جوة السحرة تاهت منه صحي ما لقهاش. قال خلاص انا ضعت. انت متخيل الراجل ده بيفكر في ايه؟ انا يا اما هموت من العطش. يا اما هموت من الجوع. يا اما - [00:03:40](#)

هيطلع علي سبعة يأكلني يا هيطلع علي تعبان يعضني ويقتلني. يا هيطلع علي مسموم وانا مكاني كدهوت ويقتلني. يا هيطلع لي حاجة من والهوام تحت وشني. يا اما ممكن يطلع قتال قتلة يقتلني. واحد يفكر انا هاموت ازاي! هاموت وانا عطشان! هاموت وانا جعان - [00:03:50](#)

وانا بتعذب هموت وانا باتاكل. هاموت وانا باعمل ايه؟ وهو بيفكر فجأة لقي الدابة بتاعته قدامه. والاكل بتاعه قدامه. والشرب بتاعه واحد يقول لك ده انا لو جا لي عشر تلاف جنينه اموت من الفرح. واحد يقول لك ده انا لو ورست مليون جنينه اتجنن من الفرح. لو معك ملايين الدنيا في الموقف ده ما تعملكش حاجة - [00:04:10](#)

شفت فرحة اشد من الفرحة دي. ربنا بيقول لك انا فرحتي بك الوقتي وانت قاعدة بتسمعي عني وبتوبي اشد من فرحة الراجل ده. عرفتم ربنا خلقنا ليه؟ ما هو اللي بيقول لك يا عم طب هو ربنا فرحان ليه؟ يا عم ما يموت ولا يروح في ستين داهية. يا عم ما يعصوا ولا يروحوا جهاد - [00:04:30](#)

يبقى انت ما عرفتش ربنا. احب حاجة لربنا انه يعطي. احب حاجة لربنا انه يدخلك الجنة. احب حاجة لربنا انه يشفيك ويهديك ويكرمك ويرفعك احب حاجة لربنا انه يسعد عباده. عشان كده احب حاجة للاب ايه؟ اه هو بيخلف ليه اصلا - [00:04:50](#)
عشان لما ابنه يكبر وينجح لما امه كلمته لابنها مسك الملك في امريكا قالت انا عايزة اموت من الفرحة. عشان ابنه بقى ياخذ دكتوراه ربنا خلقك ليه؟ عشان اعظم لحزة في حياتك بتفرح ربنا ساعة ما تتوب. قمة النبوغ. عشان كده وانت نازل جولة - [00:05:10](#)
رايح تدعو الى الله انوي ايه؟ انا نازلة افرح ربنا بتوبة الشباب له. ان شاب يتوب على ايديا ليه. شفتم يا اخوانا شفتم اسم الله اسم الله الثواب ده بيعلمك ان مستحيل تعيش من غيره. اسم مستحيل زي ما هناخد الوقتي. مستحيل تقدر تعيش من غير الثواب - [00:05:30](#)

يعني ايه يا تواب؟ يعني ايه لما بندعي ربنا بالتواب؟ لان انا حاسس دلوقتي ان فيه شباب اول ما هيسمع ان الدرس اللي يلعن اسم الله التواب ياه! تواب يا شيخ ده احنا كلنا حافظينه وفاهيمينه وعارفينه. يا ابني التوبة دي اشمل عبادة في الاسلام كله. انت بتتكلم في ايه - [00:05:50](#)

احنا يا اخوانا مش فاهمين يعني ايه توبة. احنا متهيا لانا ان احنا فاهمين يعني ايه التواب. ويعني ايه التوبة. الموضوع كبير يا اخوانا. واحد تاني هيقول يا عم انا لا - [00:06:10](#)

ولما اكل ربا ولا بشرب خمرة اتوب من ايه! ما انا سبت من زمان وسبت غير تبت. واحد تالت هيقول يعني انا انا يعني انت دلوقتي بتتكلم عن التوبة وبتتكلم والموضوع ده يعني موضوع مسلا انا مش محتاجه الوقتي انا مش عاصي انا يا اخوانا - [00:06:20](#)
التوبة ديت سورة تصحيح في حياتك. يوتيرن ترجع انسان جديد. تغيير لكل شيء. التوبة دي مش معناها معصية بتعملها وتسيبها. التوبة دي كل عبادة في يوم من الايام عبادة ربنا بها. كنت بتصلي الفجر ورايح عليك. ارجع تاني. كنت بتقوم الليل وراح عليك. ارجع تاني. كنت بتشتغل في الدعوة وبتدعو - [00:06:40](#)

والشباب وبتنزل لهم وراح ارجع تاني. كنت بتطلب علم وراح. كنت بتحفظ قرآن وراح. التوبة دي انك ترجع لربنا. ان قلبك يرجع تاني ربنا هو الاول والآخر فيه التوبة دي عبادة الصديقين. مش بس عبادة اللي وقع في الزنا ووقع في العادة السرية ووقع في المواقع الاباحية - [00:07:00](#)

يعني ايه ان ربنا يتوب عليك؟ عايزين النهاردة نفهم به يعني ايه ان ربنا يتوب عليك؟ يعني ان ربنا الاول يفتح لك قلبك انك تتوب الاول يفتح لك قلبك الشاب اللي كان صاحبنا اللي في القاهرة وبعد تراويح رمضان خارج من المسجد لقي اربعة شباب راكبين عربية وطالعة - [00:07:20](#)

ان يضيعوا شكلهم لا صيام ولا صلاة. وقعد يحاول يدعوههم الى الله. شاب واحد اللي وقف يسمع له منهم. وهم كلهم ما رضوش يسمعو له. الشاب قال له يا ابني الباب اهو. باب الجامع اهو قدامه وبيقول له لو ما اعتبرتش باللي حصل لغيرك انت حر. اللي -

[00:07:40](#)

الشاب طلع معهم العربية بعد دقيقة ولعت. بعد دقيقة واحدة بس ولعت. الشاب ده كان لسة له ضيقة ويموت. وربنا طب بيعت له رسايل. وربنا لسة بيرحمه احد اخواني. سافر امريكا يشتغل في الدعوة الى الله. يدعو الى الله هناك يعني. لمدة آآ حاجات بسيطة

[00:08:00](#) كده. راح يدعو -

بيقول لي جا له واحد قال له مراتي آآ متمرده علي ومبهدلاني تعال كلمها فبيقول رحت اكلمها لقيت معها في البيت يعني واحد تزني معه. فبيقول فبيقول انا وظيفتي ان انا اجي ادعو الى الله. يعني مش معنى انهم بيعصوا ان انا امشي. بيقول قعدت اكلهم عن

[00:08:20](#) الاسلام وعن ربنا -

اللي كان معها اسلم وسابها ومشى. فبيقول لي جاي اخرج لقيت الراجل بيجري ورايا. بيقول لي انت رايح فين ؟ مراتي سبحان الله بقى كل واحد له نفسية بقى. مراتي انت ما كلمتهاش - [00:08:40](#)

قال له الشيطان اللي كان معها ما دام مشي ربنا يهديها ان شاء الله. العجيب هنا انه فتح باب التوبة في حجرة الزنا انه فتح باب التوبة وهو داخل يزني باب التوبة بيتفتح له. عارف يعني ايه ؟ اسم الله التواب يحبك في ربنا - [00:08:50](#)

ليه يجيب صفة المبالغة التواب لانه بيفتح لك الباب الف مرة كل يوم ويقبل توبتك لو وقعت الف مرة كل يوم واحد من اصحابي بيقول لي قبل ما يتوب. بيقول لي انا كنت ماشي في الشارع ابكي. ساعة صلاة الجمعة عايز ادخل الجامع ومش عارف ادخل الجنة -

[00:09:10](#)

عايز اتوب ومش قادر. التواب لسة ما فتحش قلبه. لسه المفهوم الشامل للتوبة يا جماعة. يعني ايه توبة ؟ يعني ايه تواب ؟ يعني ايه ان ربنا يتوب عليك. تعالوا بقى نتكلم عن اخطر نقطة في درس النهاردة. وهي يعني ايه ان ربنا يتوب على العبد اعظم - [00:09:30](#)

حياتك صفقة التوبة. صفقة ان ربنا يتوب عليك. ان ربنا لو تاب عليك هيعمل لك ايه. قلنا ان المغفرة غير التوبة المغفورة ان الزنوب راحت. انما التوبة دي يعني ايه ؟ يعني ان ربنا تاب على العبد التوبة دي اعظم صفقة في حياتك لها ست ارباح - [00:09:50](#)

واحد اسمع معي. واحد مش التوبة يعني الرجوع والتواب يعني اللي بيرجع وبيعود. واحد عودة العلاقات والعطاءات من الله سبحانه وتعالى. وده اعظم معنى انا الاسبوع اللي فات ده حياتي كلها متغيرة بسببه. حياتي كلها - [00:10:10](#)

يعني عايش مع اسم الله التواب اكثر معنى شدي رغم ان هو معنى دنيوي الا ان النقطة دي يا جماعة تعبانة كلنا احنا كنا يا اخوانا من سبع سنين الشعب كله مستني يسمع دروسنا. والشباب كلهم عايزين يسمعو. الناس اللي بتتكلم في الدين والتيار الاسلامي. هو الكلام

[00:10:30](#) ده ممكن يرجع يا رب ؟ اه -

طب يا رب من الف سنة كان فيه حاجة اسمها فتوحات. وكانت الامة مكتسحة العالم وحضارة. هو الكلام ده لو تنبا ممكن يرجع يا رب ؟ اه. طب يا رب انا - [00:10:50](#)

في حياتي لحظات حلوة اوي وايام جميلة اوي ياما ياما فتحت لنا يا رب في عبادات وتدبر ودعوة وجهد وطلب علم وعلاقة بالقرآن وعبادة. هو الكلام ده كله ممكن يرجع يا رب! هو ممكن كل خير وجمال في حياتنا! وكل عافية - [00:11:00](#)

رزقه في حياتنا راحت بسبب الزنوب. ممكن ترجع يا رب اه. المعنى ده يا اخوانا معنى جبار. يقول لك عودة العلاقات السعودية القطرية صعب اوي عودة العلاقات الايرانية السعودية لا لا لا ده ده شيء صعب جدا. عودة العلاقات التركية المصرية عودة العلاقات لما

[00:11:20](#) امريكا -

كمسل حصل مشكلة بينها وبين دولة منعت المعونات سهل انها ترجع يقول لك الموضوع مش سهل. لما اتنين يتطلقوا مش سهل ان هم يتصالحو تاني. هم البشر كده. لو انت غلطت في حق واحد مش سهل ان هو يسامحك. فضلا على انه يرجع يدبك اللي كان بيديه

[00:11:40](#) لك قبل ما انت تغلط في حقه. امال لو غلطت في حقه الف مرة -

يبقى اول معنى للتوبة ان ربنا يرجع العلاقات ثاني. ويرجع الفتوحات ويرجع المدد. ويرجع البركة ويرجع الفتح ويرجع كل خير كان بيديه لك قبل ما تدي له ضهرك وتروح تعصيه وتعرض عنه - [00:12:00](#)

عليه ده يبقى تب علي يا تواب. اول حاجة معناها ايه ؟ رجع العلاقة ثاني يا رب. رجع الفتوحات ثاني يا رب. رجع الايام الجميلة يا رب. صلح اللي كسر يا رب رجع لي كل حاجة جميلة ادتها لي في حياتي. وانا ضيعتها بسبب الذنوب يا رب. اتنين مغفرة الذنوب -

[00:12:20](#)

ان الذنوب كلها تروح. طب واياه مغفرة الذنوب دي ؟ ما الذنوب ديت حملاه زي واحد بالزبط في قلب جبل. كل حاجة اتقطعت عنه. يفتح لك طريق ثاني السكة تسلك ثاني. تفاجأ ان كان فيه خير رهيب بيحيي. ده طبيعي من غير بقى مدد ولا حاجة. خير - [00:12:40](#)
من الله سبحانه وتعالى وانت منعتة عن نفسك. عشان كده اللي يستغفر كتير يفاجأ ان فيه حاجات غريبة بتحصل له. في الرزق وفي الصحة وفي النفسية وفي علاقته بالناس وفي اسرته وفي ولاده. ليه ؟ يا ابني ده الطبيعي. انت بس رجعت للطبيعي. ده انت لسه ده استغفار بس. ده انت لو خدت توبة كمان بقى - [00:13:00](#)

ما تعرفش ايه اللي هيحصل ؟ يبقى رقم اتنين ان الذنوب تتغفر. رقم ثلاثة رفع العقوبة الاخرية للذنوب. واحد دخل القبر بتاعه والامر ضلم والملايكة احتوشته ملايكة العذاب والدنيا خلاص والقبر دا عليه - [00:13:20](#)

وايقن بالهلاك تماما فجأة القبر نور واتفتح له باب للجنة. والملايكة رحمتة. والدنيا اتسعت فيه ايه ؟ اصله تاب ايه تاب! ده اللي احنا هناخد في النقطة دي. رفع العقوبة الاخرية للذنوب. اربعة رفع العقوبة الدنيوية للذنوب. يعني ايه رفع العقوبة الدنيوية -

[00:13:40](#)

يا ابني انت متبهذل بسبب زنوبك. بس انت ما انتش واخذ بالك. مصيبة الذنوب انها عاملة زي قنبلة المسامير. عارفين قنبلة المسامير لما تنفجر مسمار يدخل في الدماغ ومسمار في القلب ومسمار في الرجل ومسمار في الرقبة ومسمار في الصدر ومسمار في الرئة ومسمار هي دي مصيبة - [00:14:00](#)

الذنوب عاملة زي قنبلة المسامير. لما بتنفجر وانت اللي بتفجرها بنفسك. آآ الزنب بيطلع على قلبك. وعلى نفسيتك. وعلى حب الناس لك. وعلى رزقك وعلى مستقبلك وعلى حالتك النفسية. وعلى وعلى كل حاجة بتضرب كل حاجة. رفع العقوبة الدنيوية للذنوب -

[00:14:20](#)

خمسة رفع الابتلاءات اللي كانت بسبب ان ربنا يريد انه يريقك. ما هو ربنا ابتلاك فيه ابتلاءات يعني نص ابتلاءات حياتك بسبب ان ربنا يريد ان انت تعلی. طب انا عليك يا رب. نص ابتلاءات حياتك - [00:14:40](#)

بسبب ان ربنا بيرجعك ثاني. بسبب انك انت مش عايز ترجع. طب تعال بقى. مش عايز تيجي على رجلك. طب تعال. ما هو هيرجعك هيرجعك. لو يحبك ويريدك. طب انا يا رب جيت من غير ابتلاء خلاص ما لهاش لازمة نص الابتلاءات دي. رفع الابتلاءات اللي انت لا

تتخيلها - [00:15:00](#)

اللي كل حكمته ان ربنا يريدك انك انت ترجع. ستة عدم تغيير المعاملة. ودي من اخطر معاني التوبة. عدم تغيير المعاملة بسبب ذنوبك. يعني ايه عدم تغيير المعاملة ؟ دي قصة بقى ناخدها. لان ربنا يحفظنا ويحفظكم - [00:15:20](#)

ويحفظ المسلمين اجمعين من ان ربنا يغير معاملته معك. ربنا لا تؤاخذنا ان نسينا او اخطأنا. يا رب لو وقعت لو عصيت لو عملت اي حاجة ما تغيرش معاملتك معي الا دي. لان تغيير - [00:15:40](#)

المعاق ابوك ممكن يقول لك ما تعملش كذا. عملتها. يا ابني ما تعملش كذا. عملتها. طب هات ايدك اهو. ما تعملش كذا. عملتها ياد ياد ما تعملش كذا يالا عملتها. فجأة ابوك يكتشف ان انت مش نافع معك اي طريقة. لازم يغير معاملته معك. ومن - [00:16:00](#)

مش هيرجع ثاني غير لو اتصلحت الصفة دي فيك اقعد لك سنة اتنين ثلاثة خمسة. حاول تصلح نفسك ابلة مش هترجع الا لما انت تتصلح انت نفسك عشان كده عقوبة رهيبة من عقوبات الذنوب اللي هي تغيير المعاملة. تعالوا يا اخوانا نشوف يعني - [00:16:20](#)

ايه ؟ تب علي يا تواب. يبقى لما باقول تب علي انا باقول يا رب اديني الست حاجات دول. لما باقول تب علي يا رب رجع العلاقات

تاني يا رب رجع لي تاني اللحظات الجميلة اللي في حياتي اللي الزنوب ودتها. يا رب. واحد ملحد شاب من الشباب الملحد وزيفة عمره ان هو ينفر الناس عن ربنا. وزيفة عمره - [00:16:40](#)

انه يقول لا اله. الشاب ده اتجوز خلف بت زي القمر. ارتبط بها نفسيا ارتباط رهيب. في يوم سخنت. قعدت الحرارة تعلق. بقى تسعين درجة يجري من دكتور لدكتور ما فيش فائدة. يعمل لها اي حاجة كمادات. يديها حقن. يديها خوافض حرارة. يعمل لها هو ومراته. ما فيش - [00:17:00](#)

فائدة بنته بتموت وليلة اتنين ثلاثة. خلاص البت بتموت قدامه. اول مرة قلبه يتحرك. البت بتتألم قدامه. قال له يا رب هتموتها يا تشفيها. اول ما كلمة يا رب دي كأن قلبه اتفتح تاني ان فيه اله للكون. اول مرة في حياته يقف يصلي ويقول - [00:17:20](#) يا رب اشفها. الملحد اللي بينكر وجود الله. اللي عمل كل الموبقات. اللي يبهارب اللي ناس تؤمن بالله ما رجع ربنا رجع له كل حاجة واولها ان هو شفى له بنته. سبحانه وتعالى. اهو ده التواب يا جماعة. هي دي عودة العلاقة - [00:17:40](#) مهما كنت انت عملت ايه قبل كده. شاب من الشباب اللي ما لوش دعوة خالص بطريق ربنا. واتجوز واحدة ما لهاش دعوة بطريق ربنا. واللاتين عايشين حياتهم روز وبرضو بنت برضه ارتبط بها نفسيا. البنت جالها سرطان في الدم. سرطان في الدم يعني خلاص باع بيته وصرف فلوس - [00:18:00](#)

وسافر بها اوروبا وصرف كل اللي قدامه واللي وراه عليها. في الآخر قال لمراته احنا ما عايش قدامنا غير طريق واحد. قالت له ايه ؟ قال لها نتصالح على ربنا. انا اصلي - [00:18:20](#)

وانت تتحجبي! هو ده ما عدش قدامنا حاجة غير كده. اتصالح على ربنا. البنت الصغيرة اللي عندها سرطان دم. دلوقتي واحدة متجوزة. شاب قيمة معافاة متجوزة. هو ربنا كان بيقول له تعال ربنا طب لما تاب خلاص الابتلاء اللي كان بسبب انه يتغير -

[00:18:30](#)

ارفع من عند الله سبحانه وتعالى. احد اخواني يعني ايه تتوب؟ يعني ايه ان انت لما ترجع وان عدتم عدنا؟ ان عدتم لربنا عدنا للفتح. وعدنا مدد وعدنا للتيسير وعدنا للهداية وعدنا للحزم كل اللي كنت بعمله لك هارجه لك تاني. هاديك سلسلة المفاتيح تاني. بس انت ارجع - [00:18:50](#)

احد اخواني آ لما قعدت معه احد اخوانا احنا بنعمل مع بعض ندوات دعوية فقعدت معه بدأنا نتصاحب كده وبدأ كلمني عن قصته قبل الالتزام. فطلع انشأ من اول فرق الرقص في مصر اللي حولت الاغاني لكليات. كان هو اللي عمله. ديسكوهات - [00:19:10](#) في شرم الشيخ والغردقة والشيراتون هو اللي كان مأسس فيها. حاجة انا اصلا وانا قاعد معها. انا باقول له يا اخي انا ان شاء عمري ما هياأس ان ربنا يتوب علي من حاجة. اذا كان ربنا قبلك يبص لي كده ومستغرب من الكلام. قلت له يا اخي والله انا باتخيل ان ربنا يبقى الحال - [00:19:30](#)

كده استغفر الله العظيم واتوب اليه. انت دنيويا عايش في فيلا وعنده شركة. الوقتي دينيا داعية وعنده معهد علمي. يا رب ايه ده مهما عملت ارجع كل اللي كان بيعمله لك يرجعه لك تاني. كل اللي كان بيعمله لك قاعد اخواني كان شغال بقى مع الهضبة - [00:19:50](#) مع بيكسب له خمستاشر الف جنيه في الشهر. ايام ما كان تلتमित جنيه في الشهر مرتب تدخل اي بيت تحط رجل على رجل منوك لبنتهم. حوالي خمستاشر الف جنيه في الشهر. باع شرايط في الشوارع لما تاب لربنا وساب بقى الملكوت اللي هو كان فيه. في عمرة قريبة - [00:20:10](#)

كان رحت عليه طبعا بقى خلاص بقى فلس وو في عمرة قريبة كنت في مكة نزلت عليه في فندق عملاق واخده اداني اوضة كده بالالف الريالات كده ايه حب في الله كده بيني وبينه. والفندق ده كله هو واخده قلت سبحان الله العظيم. وان عدتم عدنا كل -

[00:20:30](#)

لحاجة اتحرمت منها بسبب زنوبك التوبة ترجعها لك تاني. عشان كده هنتكلم الواد في معنى جبار ان مستحيل تعيش من غير التواب مستحيل حياتك هتبقى سودا في النهاية. الزنوب هيقيعد يخطف نعمة ورا نعمة وانت قاعد تزنب ليل نهار ورا نعمة ورا نعمة -

تلاقي الدنيا اسودت في النهاية. الصحابة خالد بن الوليد اللي حارب الاسلام اللي قتل اربعين صحابي على جبل الرماة. يبقى مؤسسين امبراطورية الاسلام في العالم. ليه؟ وان عدت عدنا ابو سفيان عكرمة بن ابي جهل هند بنت عتبة انا لما بفكر في توبة ربنا على دول بعد ما حاربوا الاسلام اكثر - 00:21:10

جورج بوش حارب الاسلام. اقول يا رب يعني انت ممكن تتوب على بوتين وعلى بوش وعلى ترامب وان عدتم عدنا. دول حاربوا الاسلام اكثر وترامب وبوتين حاربوا الاسلام الوقتي. ولما رجعوا ربنا تاب عليهم. سبحانه وتعالى. احد اخواني كان شغال في الدي جي - 00:21:30

كان آآ شغال في النيجيري. اه كان لما يشغل الدي جي في اي مكان. المكان يتقلب رقص. شباب وبنات. اللي خلاه يتوب مرة والقاعة كلها قاعدة تركض بص بقى وقاعد مشغل لهم حاجات برة بيقول بنت من كتر ما انفعلت بها بترقص عايزة بقى ايه يعني يعني ربنا يحفزنا يا رب تضع حزام - 00:21:50

كده في وسطها بقى عشان تعرف تنطلق في الرأس ما لقتش غير الطرحة اللي هي لابساها. خلعتها واياه ويعني لفتها حول وسطها حتى ايه؟ حتى ترقص بيقول الموقف كأن اطعنت في قلبي في الوقت ده اللهم اجعلني من التجار اللي ربنا فتح عليهم ماديا ان عدتم عدنا. اي حاجة بقى - 00:22:10

اي حاجة عشان كده زي ما باقول لكم يا اخوانا ليه ربنا دايمًا يقول له التواب الرحيم؟ ليه الرحيم بعد التواب؟ لانك لو تبت حياة تنهمر عليك الرحمت اولئك بيدل الله سيئاتهم حسنات. هيبدل في صحيفتك السيئات حسنات. هيبدل في اخرك قاع جهنم بالفردوس الاعلى. هيبدل في يوم - 00:22:30

بدل ما يحصل لك عقوبات معاصي يحصل لك تنزلات رحمت. هيبدل في دينك. اخلاقك الوحشة تبقى حلوة. اهدافك الدينية تبقى ارقية في سبيل الله والاسلام. ليلك يبقى عبادة. هيبدل في دنيتك الفقر غنى. هيبدل في دنيتك المرض عافية - 00:22:50
بدل في دنيتك الاكتئاب فرح وسعادة وانسراح. ربنا يا اخواننا عشان كده يعني يا رب تب علي. كمان يا رب. طب انت عايز تتوب ليه بعد ما اتضايق يا رب انا مش عايز اشبع. قوم يونس لما تابوا العذاب نازل يترفع وربنا يقول فامنوا فمتعنهم. متعنهم - 00:23:10
المتعة اللي كانوا بيعصوني عشانها ادتها لهم في الحلال. قاتل المال يتوب يتغير له جغرافية الارض. يعني التوبة اشد من تسونامي اللي امريكا قالت بعدها عايزين نغير الخرائط. التوبة غيرت الخريطة. وان عدتم عدنا. عودة العلاقات. قضية كبيرة - 00:23:30
نفسى اتكلم فيها كثير. بس ما ينفعش لان الموضوع لسة معنا عناصر مهمة اوي يا اخوانا. انما المعنى ده انا حاسس بامل رهيب جواي كل ما بارفع ايدي واقول تب علي يا تواب. يا رب رجع كل حاجة تاني. وافرح كل ما الاقي حاجة كانت فعلا موجودة زمان وبدأت -

ارجع ويا رب الدنيا بترجع بسرعة كده. ويا رب انت بترضى بسرعة اوي كده يا رب! هو انت يا رب اللي بيوقف على بابك بتفتح له بسرعة اوي كده! من اسماء الله - 00:24:10

اللي تملئ حياتك امل. اتنين مغفرة الذنوب. مش بس عودة العلاقات بقى. زنوب اياه يا عم الشيخ يا عم بس استنى بس. اصبر يا عم الشيخ. يا عم ما فيش - 00:24:20

حد في المسجد ده فوق وتحت بيزني ولا بيشرب خمرة ولا بيشرب مخدرات ولا عامل علاقة محرمة في السر مع واحدة متزوجة ولا يا عم ما فيش حد من الكلام ده بس اصبر - 00:24:30

تبس واستهدى بالله. انت عارف انت ما انتاش بتعصي ربنا ليه؟ ما انتاش حاسس انك بتعصي ربنا ليه؟ اه ليه؟ اصل انت عامل يا باشا زي اللي ببيجي كده فجأة يدخل على حلقة تجويد - 00:24:40

بعد الفجر اقرأها بعد الفجر. فيفتح المصحف وهو مش عارف ايه راح ايه اصلا. وهو معلوماته عن التجويد زي معلوماتك عن اللغة الصيني. ومتهيا له انه يا سلام سلم المسجد مقلوب من صوتي وجمال صوتي. امتى يضحك على نفسه؟ لما يتعلم تجويد ويسمع

نفسه. واحد مش عارف يقرأ مش متعلم لغة عربية - 00:24:50

وبيقرأ كتاب واخطاء لغوية وبينصب الفاعل. وبيجر المفعول به. امتي يضحك على نفسه؟ لما يتعلم يقرأ. يبقى انت امتي تضحك على نفسك وتعرف انك مزنب لما تطلب علم شرعي. لما تتعلم دينك. انما انت الوقتي مش مزنب. هو انت اصلا طلبت علم عشان تعرف انت بتعمل ايه - 00:25:10

قضية خطيرة يا اخوانا كعب بن مالك تخلف عن غزوة مرة شوفوا النبي عمل فيه ايه والمجتمع كله قاطعه. انت تخلفت عن نصره الدين كم مرة؟ انت مش متخيل انت مسلم قد ايه؟ النبي عليه الصلاة والسلام من احساسه بالذنوب عليه الصلاة والسلام او احساسه بالاحتياج للمغفرة والتوبة كان بيتوب لربنا ميت مرة - 00:25:30

بيجدد التوبة ميت مرة يوميا. بيعبد ربنا بالتوبة ميت مرة يوميا. من الادعية الغريبة اللي سبحان الله يعني الواحد لما بيدعي ربنا بها حس كده اللهم اغفر لي. عد معي واحد خطيئتي. اتنين وجهلي. ثلاثة - 00:25:50

في امري اربعة وما انت اعلم به مني. خمسة اللهم اغفر لي جدي. ستة هزلي سبعة خطأي تمانية عندي. تسعة اللهم اغفر لي ما قدمت عشرة وما اخرت. حادشر وما اسررت. اتناشر وما اعلنت. تلتناشر وما انت اعلم به. جبل النبي عليه - 00:26:10

حاططهم قدام عينه كده وبيقول يا رب الفتح يوصل لي ازاى من وسط دول! اغفرهم لي. اغفر لي خطيئتي. خطيئتي دي عاملة زي زنوب الفرائض زي الفجر اللي بيضيع عليك كل يوم ولا الضهر اللي بيضيع عليك كل يوم. خطيئتي دي عاملة زي زنوب المعاملات. الغيبة والخبائات خطيئاتي دي عاملة - 00:26:30

حقائر الزنوب لما النبي عليه الصلاة والسلام وهو راجع من غزوة حنين قال للصحابه اجمعوا اللي يقدر يجمع حاجة يجمعها. اللي يجيب قشاية واللي يجيب خشبة. عملوا جبل صغير ايه ده؟ قال لهم كذلك الذنوب اذا اجتمعن على العبد. هي دي خطيئتي. طب وجهلي زي كعب بن مالك. لما تخلف مرة انت كم منكر - 00:26:50

وسكت عليه. انت كم نازلة حصلت وخزلت الاسلام فيها؟ انت عارف انت وانت جاهل عملت ايه واسرافي في امري. السيئات الجارية والمقاطع اللي بتتشير والذنوب اللي انت مستمر عليها ومش راضي تقف فيها. مش عارف تغض بصرك لحد الوقتي. مش عارف تسبب معاصي السر لحد الوقتي. مش - 00:27:10

عارفة بر والدتك او بر زوجك لحد الوقتي او تصلي رحمك لحد دلوقت. وما انت اعلم به مني زنوب القلب بقى. ولزنوب النفس والكبر والحب والانا والغرور والرياء والنفاق مصايب اللي جوة. اللهم اغفر لي جدي. جدي تخيل بقى! وهزلي! تخيل بقى - 00:27:30

انت كم مرة هزلت بالدين؟ كم مرة قلت تبت وانت بتهزل؟ ما انتش ناوي تتوب ولا حاجة. جدي كم مرة عملت كبيرة من الكبائر كم مرة عقيت والدك والدتك؟ كم مرة اغتبت؟ كم مرة اكلت ربا؟ كم مرة؟ كم مرة تحاكت الغير شرع الله؟ اللهم اغفر لي - 00:27:50

الخطأ وعمدي خطأ كم مرة خدت فتوى على ان هي حلال وهي حرام وعمدي كم مرة مع سابق الاصرار والترصد عصيته اللهم اغفر لي ما قدمت زنوب الماضي اللي انت سبتها مش تبت منها. وما اخرت قال لك التقصير. التقصير في الطاعة الطاعات اللي -

00:28:10

انت مضيعها والسنن اللي انت مضيعها. او زنوب المستقبل. وما اسررت! او! زنوب السر. معاصي السر اللي اثقل شيء في ميزان السيئات في الميزان. وما اعلنت المجاهرة بالمعصية. التدخين قدام الناس. التبرج قدام الناس. كل - 00:28:30

معصية بيجهر بها الف واحد وواحدة بيقلدوكم وانت ما انتاش عارف ان هم في ميزانك. وما انت اعلم بنا. ايه ده يا اخوانا؟ تلتناشر جبل الزنوب دي حجة عنك عطاءات قد ايه. حاجبة عنك خير قد ايه. فلما تستغفر تفاجئ ان - 00:28:50

طبيعي ان الخير جاي. ده الطبيعي. ده غير المدد والحطائات الخاصة. ده الطبيعي من ربنا لعباده اللي ما او بيستغفروا من المعاصي ان الخير جاي ورا بعضه واحاطت به خطيئته. الزنوب سادة السكة هتيجي منين؟ عشان كده لو فتحنا عليهم بركات -

00:29:10

ابواب خير حواليك مالية الدنيا واللي قافلها هو الزنوب. اول ما بتوب الابواب اللي تتفتح تاني. ثلاثة رفع عقوبات الاخرية. ويا له من

معنى! رفع العقوبات الاخروية للذنوب. يعني ايه زنب يا اخوانا؟ يعني ايه زنب - 00:29:30

زنب من الزنب ديل طويل واخذ الدنيا والاخرة والعياذ بالله. تخيل وانت داخل تعدي من على الصراط كده. منزر يرعب. والملايكة واقفة على جنبتي الصراط يقولوا يا رب سلم. يا رب سلم ويشجعوك. اطلع تقدم. والنبي عليه الصلاة والسلام عدى وواقف عند اخر الصراط. يقول يا رب - 00:29:50

سلم سلم وسمع النبي عليه الصلاة والسلام بيدعي لك. وشايف قدامك الامانة والرحم على الصراط. عارف زي بالضبط كده حملتين مرور. وانت لا معك رخصة ولا معك بطاقة وما انتاش عارف هتعدى ازاى وانت شف الجيران اللي انت عملتها بقى والسي في بتاعك. امانة ورحم! ده انا ياما خنت الامانة وياما قطعت الرحم - 00:30:10

تعبت وجاي تعدي يقولون ربنا اتمم لنا نورنا واغفر لنا. هو ايه اللي خلاهم يصرخوا ويقولوا الكلمة دي ؟ رغم ان دول ناس مؤمنين ومعديين مع النبي عليه الصلاة والسلام قال لك من اللي شافوه من اللي شافوه اوصاف النبي عليه الصلاة والسلام ناس على الصراط ترعت. النبي عليه الصلاة والسلام بيقول لك منهم المكدوس - 00:30:30

حد عارف يعني ايه انك دوس؟ عارفين التكدي السكاني؟ عارفين واحد وقع في النار بسبب التكدي. عارفين المتين تلتمية اللي بيموتوا في الحج كل شوية ربنا يقبلهم شهداء يقول لك بسبب التكدي تكدي العصاة بيرموا في بعض. وقع في جهنم بسبب التكدي على الصراط. فمنهم - 00:30:50

ومنهم المخردل. المخردل ده الخردل المفروض والعياذ بالله الكلايب والخطايب فرمته. والعياذ بالله الكلايب دي زي الحديد كده زي تقطع من لحم النبي ادم. طب وهو ما بيقفش ليه؟ يقف فين يا عم؟ يقف فين دوت كله هيقلع لو وقف. قطعت ما قطعتش وهو مكمل - 00:31:10

ومنهم المنكوس المنكوس يعني اللي نزل في النار براسه. يعني اللي اتكدي على راسه في جهنم والعياذ بالله الام اول حاجة النار مسكتها فيه وكلبشت فيه راسه. ومنهم المكدي المكور. المكدي المكور ده ان الملايكة - 00:31:30 ربطت له ايديه في رجليه والعياذ بالله واتكور واترمى في النار. والعياذ بالله. ومنهم من تخريد وتعلق يد. وتخلف له رجل وتعلق رجل.

شايف المنزر بيكافح. بيناضل عشان ما يقعش. بيناضل عشان يفضل في مكانه. والعياذ بالله منزر رهيب - 00:31:50 ومنهم من يجرجر. الملايكة بتجرجره عشان يعدي. عشان يعدي. ومنهم المخدوش. المخدوش يعني كأن لسان لهب مسلا عوره حرقه او كلوب مسلا او خطاف مسلا عوره ولكن مكمل برضه. ومنهم - 00:32:10

اللي فجأة بينقطع النور بتاعه على الصراط. اهو ده بقى ربنا اتمم لنا نورنا. فجأة النور اتقطع على الصراط. حسنااته ما كفتش. او كان منافق يصرخ صرخة تفزع لها قلوب العباد سم يسقط في النار والعياذ بالله. فساعتها يقولوا ايه؟ ربنا - 00:32:30 ام لنا نورنا واغفر لنا. يعني ايه توبة يا اخوانا؟ توبة يعني واحد جاي يعدي من على الصراط. والدنيا ضاقت به والدنيا ضلمت واقع فجأة الدنيا نورت. وفجأة الصراط وسع. وفجأة الملايكة خدت بايديه. ليه؟ اصله تاب. اربعة - 00:32:50

رفع العقوبات الديوية للذنوب. ايه؟ يعني الاول قلنا عودة العلاقات. عودة المعاملة عودة العطاءات عودة سلسلة المفاتيح اللي اتكسر هيصلحه لك. ربنا هيرجع لك كل حاجة تاني. ربنا يرجع لك ايام زمانك جميلة. واللحزات الجميلة. وهيرجع لك الفتوحات تاني. اتنين مغفرة الذنوب. مغفرة الذنوب - 00:33:10

يعني ايه ؟ يعني التلاتاشر جبل اللي النبي عليه الصلاة والسلام كلمني عليهم اللي هي احاطت به خطيئته هيتشالوا فجأة السكة هتسلك فجأة ان الدنيا مليانة خير وانت ما انتاش واخذ بالك ليه ؟ ايام زمان وانا لسة طالب رحت للشيخ يعقوب مرة فقال لي بص اقعد هات خمس تلاف استغفار - 00:33:40

فقعدت طبعاً ايام الخمس ايام استغفار هو مين بيقول ايه؟ الدنيا ضلمت. قعدت استغفر وانام واصحى وانام واصحى لحد تاني يوم وانا قاعدة استغفر ومش حاسس بس ايه لازم اما اقابل الشيخ اقول له ايه؟ خلصت. تمام؟ تمام. لازم ادي التمام بتاعي. رجعت بقى المنصورة بعدها. قعدت حاجات غريبة بتحصل. تيسيرات غريبة بتحصل ليه - 00:34:00

للاسف ايامها ما فهمتتش فيه. ما ربطتتش ما بين عبادة الاستغفار وما بين ان الحاجات اللي مقفولة والابواب المقفولة بدأت تفتح. سبحانه الله قلنا رقم ثلاثة رفع العقوبات الاخرية للذنوب. ما تتعاقبش في الاخرة. ده كلمة ايه؟ تب علي يا تواب. اربعة رفع -

00:34:20

عقوبات الايه؟ الدنيوية. يعني ايه العقوبات الدنيوية؟ يعني الزنب ده عامل زي قنبلة موقوتة. عامل زي قنبلة مسامير. الزنب ده لما بيتفجر في في كل حاجة. عشان كده سيد الاستغفار من اخطر الجمل بتاعته. اعوذ بك ايه؟ ها من ايه؟ من شر ما صنعت. ركز في

الكلمة دي قوي وكررها - 00:34:40

اوي واتعب وانت بتناضل في دعاء ربنا بها اوي. لان دي مصيبة دنيته. اعوذ بك من شر ما صنعت. قنبلة المسامير انفجرت بتاعة الذنوب. الزنب اثر على نفسيته. اسر على قلبك وايمانك. اسر على حب الناس لك. اسر على خشوعك في الصلاة. اسر على -

00:35:00

حب الصحبة الصالحة لك ونفهم عنك. اثر على قلبك وميلك انك تتوب اصلا. الزنب اثر على رزقك. اسر على صحتك اسر على الزنب اسر على كل حاجة. قبلت المسامير انفجرت. عشان كده الذنوب انواع يا اخواني. الذنوب انواع. ازاى الذنوب انواع؟ في - 00:35:20

زنب عامل زي بركة الطين. لو وقعت فيها هيوسخك. وفيه زنب عامل زي غبته المطواة. لو خدتها هتعيش في العناية المركزة بين الحياة موت وفيه زنب عامل زي خبطة العربية هيوجعك. وفيه زنب عامل زي غبته التعبان. هيموتك. وفيه زنب عامل زي -

00:35:40

في حد السيف هيدبحك الذنوب انواع. مش كل زنب زي الثاني. العادة السرية مش زي الزنا. النظر للحرام زي الربا. ترك وخزلان الدين وهو محتاج للدعوة وانك تشتغل عشانه. مش زي يبقى الذنوب مختلفة. فكل زنب له عقوبة عليك غير الذنوب. غير الذنب -

00:36:00

تاني عشان كده يا اخواننا حد عارف اخطر عقوبة للمعصية هي ايه؟ اخطر عقوبة للمعصية ربنا يسترها. اخطر عقوبة المعصية هي المعصية بعدها جزاك الله خيرا بس اخطر عقوبة للمعصية هي المعصية بعدها. ان كل معصية مفتاح لاثم - 00:36:20

للمعصية اللي بعدها. اتعرفت على شاب فاسد. اما اعرفك على شلة. اتعرفت على الشلة. قاموا واخذينك مكان مشبوه. رحت المكان المشبوه. اتعرفت على واحدة فاسدة اتعرفت عليها عرفتك على خمسين واحدة فاسدة شبهها. اتعرفت عليهم وقعت في الزنا والعياذ

بالله. هي دي بصورة المعصية. وجزاء سيئة - 00:36:40

مثلا. انك انت المعصية بتجيب معصية. المعاصي بتجرجر بعضها عشان كده في سورة المطففين. ويل للايه؟ مطففين. المطففين دي من الطفيف. الحاجة طفيفة. بيعمل زنوب طفيفة بس كتير كتير. شوية ها كلا ان كتاب الايه؟ الفجار لفي سجين. ما عادتش بقى

طفيف. بقى - 00:37:00

تجار بقت معاصي كبير وكثيرة. شوية بس معاصي جوارح. شوية كلا بل ران على قلوبهم. ما عدتش جوارح. القلب اسود من جوة ضلعت من جوة بقى من جوة شمال. شوية اذا تتلى عليه اياتنا قال اساطير الاولين بقى كفر وعلمانية وتكذب بالله - 00:37:20

شف الاول كان اتنين مطففين. بقت فجار. بقت على قلوبهم. بقت اساطير الاولين. السلسلة السوداء سلم لانهييار التطور الطبيعي للمعصية والعياذ بالله. والحسنة اعظم سواب للحسنة للذين احسنوا في هذه الدنيا ايه؟ حسنة. ان ربنا يفتح لك الحسنة - 00:37:40

اللي بعدها تدخل الدرس تقوم تتعرف على صحبة صالحة. يقوم يجيبوك تحفيز قرآن. يقوموا يقول لك ده احنا طالعين قافلة خيرية. تقوم تطلع هو كده هي السكة دي كده والسكة دي كده يبقى رابع صفقة ورابع ربح من ارباح صفقة التوبة ان ربنا يرفع عنك -

00:38:00

العقوبة الدنيوية. الخمسة بقى ان ربنا يرفع عنك الابتلاءات اللي كانت بسبب ان ربنا يرقيك. يعني ايه الابتلاءات ان ربنا يرقيك؟ يعني يا اخواننا واحد سافر خلاص؟ فراح امريكا يتعلم. ابوه ده قال له يا ابني بص انت لك ايه؟ الفين دولار في الشهر في اربع سنين بمثلا

بكاه؟ مية - 00:38:20

سنة الف دولار ولا ستة وتسعين الف دولار ها خدهم اهو فلوس السكن اهو انصف جامعة دخلتها لك ارجع لي بعد اربع سنين بالشهادة. الشاب راح اتعرف على واحدة هناك ضاع رجع لابوه بعد اربع سنين صفر اليدين. الثاني بقى بيقول له بص هبعت لك الفلوس شهر شهر. وهنزل لك نزلات مفاجأة اشوفك - [00:38:40](#)

وتجيب لي شهادة كل سنة وتقديرك والا ما فيش فلوس السنة اللي بعدها. ها نقول لارحم منه. الاولاني ولا الثاني ؟ الثاني. الارعى. يبقى لما ربنا احياننا يريد انه يرجعك. ها احياننا بيرجعك كده. طب انا هامنع عنك الفلوس لحد ما تتصلح. السنة اللي بعدها. يبقى فيه ابتلاءات بسبب ان ربنا يريد - [00:39:00](#)

انه يصلحك واحد تاجر من التجار الاغنياء جدا في موسم كسب نص مليون. انا اما اسافر بلد بقى اشهيص نفسي بقى. ومخدرات وزنا قال لمراته انا رايح بقى تاجر بقى وافتح سوق جديدة واستورد وكده. راح سافر اول ما نزل بيقول ضهره الم رهيب. راح يكشف سرطان في - [00:39:20](#)

العمود الفقري قام راجع على طول كل الشيوخ اللي في البلد بقى صاحبهم ورايح معهم جاي معهم كل الدروس اللي في البلد بيحضرها على سجادة الصلاة قيام الليل بيعمل استئناف للفحوصات والتحليل الكلام اللي هناك غلط وانت سليم. هو خلاص ثبت على التوبة بس بعد ايه ؟ يبقى - [00:39:40](#)

ده حصل له ده ليه ؟ الابتلاء ده ليه ؟ عشان ربنا يرجعه. عشان ربنا ثلاث تربيع اللي قاعدين في المسجد لو لولا الابتلاء ما كانوش دخلوا المسجد اصلا عشان كده يوم القيامة لما تعرف حكمة كل مشكلة حصلت لك. وحكمة كل ابتلاء حصل لك هتسجد شكر لله سبحانه وتعالى. تسجد - [00:40:00](#)

الشكر لله سبحانه وتعالى ان ربنا فتح عليك يبقى ده الثمرة الخامسة. الثمرة السادسة بقى يا شيخ احمد ايه ؟ الثمرة السادسة بقى لصفقة التوم عدم تغيير المعاملة. وما ادراك ما عدم تغيير المعاملة. نعوذ بالله ان ربنا يغير معنا معاملته - [00:40:20](#)
اعوذ بالله ان ربنا يغير معنا حلمه او رأفته. انت ربنا بيعاملك بطريقة حتى وانت بتعصي. لو اتغيرت تفضل تعض على ايدك كذا سنة لحد ما المعاملة القديمة ترجع ثاني. عرفتم ان اسم الله التواب غير اسم الله الغفور. اسم الله الغفور طبعاً حاجة رهيبة وجبارة - [00:40:40](#)

ده كفاية ان الزنوب تتغفر انما تب علي دي. يعني ايه التواب ؟ المرة اللي فاتت كنا بنحاول نقول يعني ايه الاول والاخر ؟ يعني الحل الوحيد يعني الدنيا كلها يعني الكل في الكل يعني الاول والاخر في قلبك. يعني الاول والاخر في القدر والقدر. يعني الاول والاخر - [00:41:00](#)

اخر النهارده بنحاول ان احنا نفهم يا اخواننا يعني ايه كل اسم من اسماء الله حياة. عشان كده اللي يفهم الست حاجات دول يعرف ان مستحيل يعيش من غير التواب ! مستحيل ! مستحيل ! مستحيل تعيش من غير التواب ! مستحيل تتقدم لقدام في - [00:41:20](#)
من غير التواب. مستحيل ترجع عن المعصية من غير التواب. مستحيل تنجو اصلاً من غير التواب. ده الاسم ده انت محتاجه اكتر ما انت محتاج النفس انت فعلاً زي النبي عليه الصلاة والسلام ميت مرة واقف على باب ربنا بيستغيس بالتواب. ميت مرة بيقول له انك انت التواب الرحيم - [00:41:40](#)

يا رب تب علي وخلي رحمتك تنهمر علي بالتوبة يا رب. وبعد التوبة يا رب انك انت التواب الرحيم. ازاى بقى مستحيل تعيش من غير لان كل زنب بيخطف ايه ؟ اه بيخطف ايه يا شيخ محمد ؟ بيخطف كل زنب بيخطف ايه ؟ ها ؟ نعمة زي النسر اللي بينزل يخطف ايه - [00:42:00](#)

حاجة كده ها فكل زنب زي النسر يقوم نازل خاطف نعمة خاطف نعمة. تخيل انت بقى بالزنوب اللي انت قاعد تقف فيها ليل نهار ديت كل زنب ياخذ نعمة. اعوذ بالله - [00:42:20](#)

من زوال نعمته تحول العافية. يا نهار ابيض ! ده انت هتيجي في الاخر تلاقي حياتك بقت صحراء. ما عدش في حاجة في حياتك الذنوب هلكت لك النعم بتاعة حياتك لولا التواب كانت كل النعم تروح. شفت التواب ما تقدرش تعيش من غيره. لولا التواب مستحيل

اطلع لقدام في الطريق الطاعة وتتقدم وتترقى ولا ترجع عن المعصية من غير التواب. ايتين يا اخواني. ايتين ربنا جابهم ورا بعض في القرآن اية بتتكلم عن عمالقة الطاعة في التاريخ البشري. وهم بيعملوا طاعة من اعظم الطاعات اللي ربنا عبد بها في التاريخ

البشري - 00:42:50

وازاى ان من غير التوبة ما كانوا هيقدرنا. والاية اللي بعدها بتتكلم عن عصاة ومزنبين. واذاى ان من غير التوبة ما كانوا هيقدرنا

يقفوا على رجلهم تاني. الاية الاولانية لقد تاب الله على العصىة على المذنبين على اللي سرقوا - 00:43:10

على النبي. النبي محتاج توبة. النبي عليه الصلاة والسلام يقول انا نبي التوبة اصلا. على النبي والمهاجرين والانصار. عمالقة الطاعة في

الوجود كله عمالقة الطاعة. الذين اتبعوه مش الذين عصوه. في ساعة العسرة في اصعب ساعة ربنا يحفظنا. ربنا - 00:43:30

ثبتنا. نسال الله ان يثبتنا. نسال الله ان يثبتنا. لان ساعات العسرة دي من بعد ما كاد يزيغ قلوب فريق منهم. كانوا هيقفوا. استحملوا

ثم تاب عليهم. لقد ايه؟ لقد تاب. ثم ايه؟ ثم تاب. تاب. ثم تاب. المفسرين قالوا يعني ايه تاب ثم تاب - 00:43:50

بتوع ربنا اصلا ده مش بيعصوا. ده خارجين في غزوة تبوك. قال لك طب يعني تب. بعد توبة. بعد توبة. بعد توبة. قال لك يعني ايه ما

توبة؟ يعني رجوع وعودة. يعني ايه - 00:44:10

تاب ثم تاب. قال لك يعني فتح بعد فتح. ونصر بعد نصر. ومدد بعد مدد. وتيسير بعد تيسير. وعطاء بعد عطاء. ومغفرة بعد مغفرة بعد

اكرام وجود بعد جود. ربنا قعد يديهم يديهم يديهم. قال لك ليه؟ قال لك لان كان مستحيل يكمله في الطريق ده من غير تاب ثم تاب -

00:44:20

مستحيل في زمن ثلاثة مليون موقع اباحي. اغاني الاسبانية و اللي حرب المنقبات مستحيل في زمن شيخ جاكسون والخلية والهضبة

والمطلوب بقول لك ايه في وسط كل ده مطلوب منك سبات على الدعوة. سبات على العبادة. سبات على طلب العلم. سبات على حفز

القرآن. غض بصرك. ما تقعش في حرام - 00:44:40

من ساعة بتفتني! ايه ده! كل ده مطلوب منك في وسط الزمن ده. مستحيل من غير تاب ثم تاب. ما ينفعش يبقى من غير التوبة من

غير التواب. اللي انا باقوله لكم ده مازا لو غاب اسم الله التواب من حياتك؟ مستحيل تطلع لقدام. الاية اللي بعدها بقى - 00:45:10

تماما وعلى الثلاثة الذين خلفوا يعني وتاب على الثلاثة الذين ايه؟ خلفوا مش عمالقة الطاعة. ده ثلاثة خلفوا وتخلفوا عن الغزوة وما

طلعوش مع الاسلام في نصرته في تابوت. حتى اذا ضاقت عليهم الارض بما رحبت. وضاقت عليهم انفسهم. وظنوا ان لا ملجأ من الله

اليك. ثم - 00:45:30

ثم تاب عليهما. يعني برضو تاب ثم تاب. قال يعني ايه؟ قالوا يعني تيسير بعد تيسير. وتوفيق للاب بعد توفيق. ومدد للقلب بعد مدد

كان ينفع يتوبوا. ثم تاب عليهم لايه؟ ليتوبوا. لولا تاب ثم تاب ما كانوا عرفوا يرجعوا من الزنب اصلا. يبقى الاولانيين - 00:45:50

لولا تبسم ما تاب ما كانوا عرفوا يكملوا. والثانيين لولا تاب ثم تاب ما كانوا عرفوا يرجعوا. يبقى مستحيل. مستحيل انك تطلع

للامام من غير اسم الله التواب. من غير ما تكون شوية يا تواب. تب علي! مستحيل! من غير اسم الله! التواب تعرف ترجع عن زنوبك -

00:46:10

مستحيل من غير اسم الله التواب تقدر تعيش اصلا النعم هتفنى. هتفنى وانت مش عارف تعمل ايه؟ مستحيل من غير اسم الله تواب

تنجو. يا جماعة البشر دول عاملين زي سرب كده ماشي. فيه طير اللي بيذنب ده عامل زي طير قام واقع جناحه اتكسر. مين اللي

هيرجع له؟ ما هو التوبة يعني الرجوع. مين؟ كله طالع - 00:46:30

طبعا ينجوا الصالحين بيجروا عايزين ينجوا. اللي بيقع في مستنقع الزنب ده مين اللي هيرحمه؟ ربنا اللي هيرحمه. ربنا اللي هيرجع

عليه بالرحمة عشان يقف على رجله ايه تاني؟ فلولا التواب تتكسر. ما تقدرش تكمل مستحيل تعيش اصلا. فاسم الله التواب ده لو

غاب من حياتك - 00:46:50

تعيش. انت محتاج الاسم ده اكثر ما انت محتاج. النفس. يعني نعمل ايه؟ يعني نعمل ايه؟ الدرس اللي احنا اديناه النهاردة الليلة ده

كله هدف وكلمة واحدة بس يعني ايه ان ربنا يتوب عليك. ما هو الاول الاول اللي بيحصل ان ربنا بيتوب عليك يعني بيفتح قلبك انك ترضى تتوب. بيلهمك بيخاف - [00:47:10](#)

خليك كده نفسي اتوب. انا مش زنوب ومش عارف ابقى انسان تاني. حاجة كده. ده التوبة الاولانية. الثانية انك انت نفسك تتوب بعدين توب راجع لك يا رب راجع للعبادات اللي كنت بعملها وسبتها. راجع لمراك مني. راجع لك انك تبقى الاول والاخر في قلبي. راجع لك بلساني - [00:47:30](#)

وبجوارحي وبقلي يقوم ربنا يتوب عليك. التوبة الثانية اللي هي ايه؟ يرجع لك كل حاجة راحت منك العلاقات يرفع الابتلاءات اللي بسبب الترقية. ما يغيرش المعاملة بتاعته. يغفر الزنوب. يرفع العقوبات الدنيوية للذنوب. يرفع - [00:47:50](#)

اخروية للذنوب ما يغيرش المعاملة. ربنا لا تؤاخذنا ان ايه؟ ان نسينا واطأنا. يا رب لو وقعت ما تغيرش معاملتك معي. يا رب انت طب واللي عودتني على الحلم يا رب انت عودتني ان انا اذنب وبرضو تبعت لي رسايل رحمة. يا رب انت عودتني اني لما بقف على بابك بتفتح لي الباب وتغيثني - [00:48:10](#)

يا رب ما تغيرش معاملتك ما اقدرش ما اقدرش اعيش من غير معيتك في حياتي. ما اقدرش اعيش من غير ولايتك في حياتي. ما اقدرش اعيش من غير رأفتك. عودتيني - [00:48:30](#)

وقفة ما تغيرش معاملتك معها يا رب. عودتني الحلم والرحمة رغم زنوبي. ما تغيرش معاملتك معي والا اضيع. مهما اذنبت. عايز مهما اذنبت المعاملة ما تغيرش. اه لانك هتفضل تذنّب. هو مين اللي هيبقى قديس يعني؟ هتفضل تذنّب. تب يقوم ربنا يخلي الزنوب بتاعتك - [00:48:40](#)

ما يتغيرش المعاملة بسببها. دعاء جبار يا اخوانا. في النهاية نعمل ايه؟ ما دام التواب اسمه مهم قوي كده وعطاءات التواب وبتوبة الله على العبد حاجة مهمة قوي كده. اوي اوي اوي اوي. ومستحيل نعيش من غير اسم الله التواب. ومستحيل نعيش من غير تاب، ثم تاب - [00:49:00](#)

ايه؟ الحل اول حاجة التوبة النصوحة. يعني ايه التوبة النصوح؟ التوبة اللي ما فيها غش. ما تبقاش غشاش. فيه ناس قاعدة وسطنا دلوقتي وهي غشاشة. غشاشة. بس مش بيغش بيغش في علاقته بربنا. بيغش في دينه. فيه واحدة قاعدة معنا دلوقتي وهي غشاشة. ما تغشش! زي ما ربنا سبحانه وتعالى يقول فلما زاغوا - [00:49:20](#)

زاد الله قلوبهم. فيه اخوة مزوغاتية. مزوغات زي الطالب اللي بيزوغ بالحصى. مزوغ بالدعوة. مزوغ من حفز القرآن. مزوغ من صلاة الجماعة مزوغة من حجاب امهات المؤمنين. مزوغ. اوعى تبقى غشاش في علاقتك بربنا. العلاقة بالله يجب ان تقوم على الصدق. مع الله. انت جاي - [00:49:40](#)

لانك عايز ربنا مش عايز حاجة ثانية. طب افرض وقعت اعمل ايه؟ الصحابي قلبك راح للنبي عليه الصلاة والسلام. قال له يا رسول الله اذنبت قال له تب الى الله - [00:50:00](#)

قال له ثم اذنبت؟ في مسند احمد. قال له تب الى الله. او في صحيح ابن حبان. قال له ثم اذنبت؟ قال له تب الى الله. قال له ثم اذنبت - [00:50:10](#)

قال له تب الى الله. قال له حتى مات. يا رسول الله ورا بعضه ورا بعضه ما فيش فايده في لحد امتي هافضل اتوب؟ قال له حتى يكون الشيطان هو المطحون - [00:50:20](#)

حتى يكون الشيطان هو المطحون لحد ما هو اللي يتقهر ويجي له احباط. مش انت اللي يجي لك هي معركة قوة نفسية. مين اللي هيكمل للآخر؟ عشان كده ربنا قال قابل التوبة. يعني ايه قابل التوب؟ التوب جمع توبة. لو وقعت الف مرة. وكل مرة - [00:50:30](#)

اقتل ربنا وتبت الف مرة يقبل توبتك. عشان كده ربنا ما سماش نفسه التائب. سمى نفسه الايه؟ التواب بالمبالغة. رغم ان العلماء قالوا ان كلمة التائب تصح لغة انما سمى نفسه التواب. التواب سبحانه وتعالى ليه؟ لو وقعت الف مرة ورجعت له الف مرة برضو هيقبل توبتك سبحانه وتعالى - [00:50:50](#)

عايزين نتوب يا جماعة. عايزين نتوب ونندم. عايزين نتوب ونندم. الندم توبة. تبت غير ست. عايزين عايزين نجدد التوبة كل شوية
اجدد التوبة يعني تاب ثم طب افكر دي قوي. تاب ثم تاب. تاب ثم تاب. يعني ايه تاب ثم تاب؟ يعني انت عامل يا عيني زي الطير
اللي - [00:51:10](#)

كسر وجناحه ده عايز كم رحمة عشان يرجع يطير ثاني؟ الزنوب كسرت لك قلبك. انت عشان ترجع تقوم على رجلك ثاني محتاج
رحمات كتير قوي من الله سبحانه وتعالى. كان لنا واحد آآ زميلنا آآ دكتور آآ كان جراح بيعمل عملية لعيان عنده التهاب كبدي -
[00:51:30](#)

آآ المشروط اللي فيه دم العيان قطع له ايده ايد آآ زميلنا ده. فالفيروس اتنقل في خلال ايام جا له حاجة اسمها بطاطس يعني التهاب
كبدي وبائي بس التهاب آآ مرعب. دي يعني ايه كلمة يعني ايه؟ حاجة اشتعلت في جسمات في خلال كذا يوم. مات في - [00:51:50](#)
خلال كذا يوم هو يعني سبحانه الله العظيم اهي ديت المفروض لما تقع في الزنب انت تندم عشان كده. تندم عشان انت فاهم العواقب
زنب ده اشد من ان واحد عنده ايدز وانت ضربت سرنجة مكانه. لانك انت ممكن خدت ميكروب انت عارف ده ايه؟ انما الثاني ده ما
انتاش عارف - [00:52:10](#)

الزنب هيجي فين؟ فالواحد لازم يندم. تندم ان الشيطان قاعد دلوقتي مطلع لك لسانه وقاعد نايم في الارض بيضحك عليك. ده انت
لو اتضحك عليك في شقة ولا اتضحك عليك في - [00:52:30](#)

ارض واحد نصب عليك وخدها هتتقهر طول عمرك. الشيطان يضحك عليك في مصيرك ويوقعك في معصية وانت ما انتش ندمان
عشان كده النبي عليه الصلاة والسلام قال الندم توبة زي الحاج عرفة كده. اهم حاجة في التوبة انك انت تندم على عمرك اللي فات.
اندم على اللي ضاع بقي. اندم على الايام اللي ضاعت - [00:52:40](#)

بقي اندم على الفرص اللي ضاعت. اندم على كل ساعة قبل الفجر ما وقفتش تقول يا رب فيها. اندم على كل درس يشحن قلبك ايمان
ما حضرتوش. اندم على كل فرصة انك تحفظ قرآن. او تشتغل في الدعوة وانت ضيعتها. اندم على كل صاحب صالح ما تزلفتش اليه
- [00:53:00](#)

واتعرفت عليه اندم على كل عمل خير ما اقتنصتوش. اندم. اندم شوية على اللي فات. عشان تقدر انك انت تستقبل اللي جاي
استقبال سليم واستقبال صح. التائبين يا جماعة انواع في واحد بيتوب ويبقي طلبة. الاخ طلبة بقي منطلق في الدين. وبعد بيتوب
وكل شوية يقع. بس يقوم يتوب - [00:53:20](#)

وفي واحد بيتوب الا زنب. جاي لربنا الا حنة. فيه معصية من اول ما تاب وهو غارز فيها ومش عارف يسيبها. خلطه صالحا واخر سينا
عسى الله ان يتوب عليه. وفي واحد بقي بيتوب وينتكس. يعني مش بيتوب بس فيه زنب واقع فيه. او زنب مقيم عليه. آآ تاب -
[00:53:40](#)

حنة تاب الا المعصية الفلانية. لأ. ده يتوب اوي وبعد كده يقوم مهود خالص. وبعد كده يتوب وبعد كده يتعبد. وفيه بقي اسوأ نوع
والعياذ بالله اللي تاب ثم نام اللي هو قام داخل اه قعد يجري يجري يجري. فتح باب المسجد دخل وقام فرش البطانية ونايم. هو
جوه مسجد - [00:54:00](#)

ولكن نام يعني يعني المفروض تدخل بقي خلاص ركبت قطار الالتزام انطلق. لأ ركب القطار بتاع التدين ثم نام. لا بينطلق في دين ولا
بيحفظ القرآن ولا بيختلف في دعوة ولا بيطلب علم ولا ولا بيعمل حاجة. هو نايم جواه قاعد كده ايه بيكثر سواد الملتزمين وخلاص.
ان هو ما بيعملش حاجة. انت - [00:54:20](#)

مين بقي؟ انت مين في هذه الانواع؟ عايز تستمر على التوبة؟ كلمة حلوة اوي مع احد اخواني من الدعاة. كنا في جولة كده قالها
الشاب منين؟ قالها لواحد يعني كلمة - [00:54:40](#)

جابتني اوي اوي اوي. كان واحد آآ يعني قال بص يا عم طول ما السمك ما رجعتش الماية انسى هاقعد اقول لك صل واقعد اقول لك
اعمل يا عم هو الحل انك انت الاول صحبة صالحة. ده الحل الاول. بعد كده نتكلم في اي حاجة زي قاتل الماء. الاول بس سب الحنة

دي ورح ايه؟ حقة - 00:54:50

بركة الطين. انما طول ما السمك برة الماية والله لو شغلت له خمستلاف مروحة وعملت له اكروبات هو مش هيقدر يقوم. رجعه الماية وبعد كده نتكلم بقى ايه المشاكل اللي عنده اللي تبدأ تتصلح. ارجع الماية. ارجع بقيت الايمان. ارجع اتصل بصحبة ملتزمة ثاني. ارجع اتصل باهل التدين ثاني. ارجع اتصل - 00:55:10

بالنشاط ثاني. ارجع لدين ربنا عشان ربنا سبحانه وتعالى آآ آآ يعني ان عدتم عدنا. آآ اسم جميل اوي قوي قوي قوي. يعني انا شخصيا يعني يعني يعتبر ان الاسم ده من الحاجات اللي بتغير لي حياتي. واللي يعني - 00:55:30
حياته بعده غير حياتي قبله. اسم الله الثواب. هذا الدرس والله يا اخواني يعني الواحد واخذ فيه نية آآ غاية في الانانية. نية نفسي نية ان ايه يعني ان اسماء الله الحسنى دي سورة في حياتك. كل اسم من اسماء الله ممكن يغير كل شيء في حياتك. الجمعة الجاية ان شاء الله بازن الله - 00:55:50

غالبا اسم الله الودود بازن الله سبحانه وتعالى. حاجة جبارة. كل اسم من اسماء الله الحسنى لو انت استشعرت انت ممكن تاخذ من ربنا ايه والاسم ده لو خرج من حياتك انت خسران قد ايه. والاسم ده مغير في الكون قد ايه. والاسم ده ربنا بيوعدك من خلال - 00:56:10

بعروض وصفقات وبيعرض عليك ايه؟ لو انت قمت بحقه انت قلبك هيذوب. هيذوب من الغفلة. قد ايه احنا غافلين جلال الله وغافلين على عظمة الله. وغافلين عن عطاءات جبارة بتنهمر من يمين الرحمن. ومن خزائن الرحمن - 00:56:30
على الله بس احنا مش عارفين اسماء الحسنى هتفوقك هتبقى حقن نور جوة قلبك. هتنشطك هتؤيدك بروح من الله. هترجع لك الروح المعنوية الايمانية ثاني هتخليك ملتزم من جديد. كان احنا بنحاول في الدرس ده يا اخواني ان احنا نرجع ملتزمين ثاني. بنحاول نرجع ثاني بنحاول نعمل ريستارت في التزامنا - 00:56:50

ونرجع لربنا ثاني ونصحح البدايات ثاني وننطلق الى الله. حاولوا طول الاسبوع بقى ان انتم تعبدوا ربنا باسمه التواب تدعوا به كثير. حاول انك اول ما تروح تكتب ايه عطاءات التواب الستة تكتب ايه المستحيلات الاربعة اللي هتستحيل في حياتك لو اسم التواب خرج من حياتك - 00:57:10

تحس ان انت كل ما تبص كده تبقى انت اوبا التواب يا تواب تب علي يا تواب تب علي. اللهم تب علي واغفر لي وتب علي انك انت التواب الرحيم. تفهم - 00:57:30

تنور زي الاول والآخر كده رح اكتب اول والآخر يبقى هو الوحيد الامل الوحيد الاول والآخر يبقى كده اكتب هم ثلاث اربع كلمات ممكن تخرج بهم من كل درس كارت صغير - 00:57:40

اتعلقوا قدامك كل ما تبص له ينور لك قلبك. ها ذكر ان نفعت الذكرى. دايما ذكر نفسك ودايما فكر نفسك. ان شاء الله بازن الله بقى نختتم على هذا عشان درس اخي وحبيبي دكتور احمد عبدالمنعم في مسجد البدر جمبنا هنا هوت على اول الشارع على طول. ان شاء الله بازن الله المفروض ان احنا بصوا يا رجالة بقى نصلي العشاء - 00:57:50

ونعمل ايه؟ ها كلنا ايد في ايد كده ونقوم ايه؟ ونقوم طالعين على مسجد الودر كده نقوم مقفليه. خلاص؟ ولو ان هو المسجد بدر امامه اكبر من هنا بشوية بس برضه هنقله برضو - 00:58:10

ان شاء الله بازن الله. خلاص يا اخواني في الله فانا بادعوكم ان شاء الله انتم سمعتم دلوقتي اسماء الله الحسنى. روحوا اسمعوا بقى تفسير كتاب الله. اعلى علمين في الحياة وفي - 00:58:20

اسماء الله الحسنى وتفسير القرآن. اعلى علمين في الاسلام. فتخيل بقى انت عندك درس اسمها حسنى تطلع منه على درس تفسير كتاب الله. يا بختك يا عم والله نعمة والله نعمة سنسأل جميعا عنها. والله نعم سنسأل جميعا عنها. ويعني والنعم تدوم بالشكر. وتدوم بالعمل والنعم - 00:58:30

ترفع بالذنوب وبعدم تقديرها وبعدم شكر ربنا عليها. وبعدم اداء حقها تؤدي حق هذه النعم يا اخوانا. اللهم نعمل بقى توبة جماعية كده

زي توبة الانصار في السقيفة وزي توبة قوم يونس كده لما تابوا وربنا امنوا فمتعهم. وزي توبة بني اسرائيل تابوا الى بارئكم فاقتلوا
انفسكم. وزي - [00:58:50](#)

توبة السبعة البكائين كده اه اللي راحوا للنبي عليه الصلاة والسلام. نرفع ايدينا كده وندعي. اللهم يا تواب. اللهم يا تواب يا تواب. اللهم
تب علينا. اللهم تب علينا يا تواب. يا تواب. اللهم تب علينا يا توب - [00:59:10](#)

اللهم اغفر لنا يا تواب. اللهم ارفع عنا البلاء يا تواب. اللهم يا ربنا كل نعمة انعمت بها علينا وكل خير مددتنا به وكل فتح وكل بركة
افقتنا بها رحمتك يوما من الايام ثم حرمتنا منها - [00:59:30](#)

ذنوبنا وغفلتنا. اللهم اعد لها يا تواب. اللهم اعد علينا نعمك. اللهم اعد علينا فتحك. اللهم اعد علينا نصرتك. اللهم اعد علينا نورك.
اللهم اعد علينا ارشادك. اللهم اعد علينا حفظك. اللهم - [00:59:50](#)

اعد علينا بركتك. اللهم اعد علينا رزقك. اللهم اعد علينا السعادة والسرور. اللهم اعد علينا الفتح في الدعوة اللهم اعد علينا فتح قلوبنا
لعبادتك. وفتح قلوبنا للدعوة اليك. اللهم اعد علينا بركاتك - [01:00:10](#)

ورحماتك ونفحاتك وجودك وكرمك. اللهم لا تغير معاملتك معنا. اللهم لا تغير حلمك معنا. اللهم ثم لا تغير رأفتك معنا. اللهم لا تغير
كرمك معنا. اللهم تب علينا يا تواب. اغفر لنا يا - [01:00:30](#)

تولى امرنا يا ولينا. اللهم اجعل لنا ود يا ودود. اللهم اجعل لنا ودا يا ودود اللهم صلنا بكرمك يا ودود. اللهم اهدنا يا اول يا اخر. اللهم
اهدنا يا اول يا اخر - [01:00:50](#)

اللهم ارزقنا يا رزاق. اللهم اصلح حالنا يا صمد. اللهم اصلح حالنا يا صمد. اللهم خذ بناصينا اليك يا ذا الجلال والاکرام. اللهم اجعل
القرآن العظيم ربيع قلوبنا. ونور صدورنا وجلاء احزاننا - [01:01:10](#)

ذهب همومنا يا تواب يا تواب يا تواب. اغفر لنا وتب علينا. انك انت التواب الرحيم سبحانه اللهم وبحمدك اشهد ان لا اله الا انت
استغفرك واتوب اليك - [01:01:30](#)